

ASINIUS GALLUS

Qui 'caput ad laevam' didicit, glossemata nobis
praecipit: os nullum vel potius pugilis.

SEXTUS PACONIANUS

Eoo Oceano Hyperion fulgurat Euro;
Arctoo plaustro Boreas bacchatur † rheno;
Hesperio Zephyro Orion volvitur [austro].
fulva Paraetonio vaga Cynthia proruit Austro.

POPULARES VERSUS IN CALIGULAM

In castris natus patriis, nutritus in armis
iam designati principis omen erat.

CN. CORNELIUS LENTULUS GAETULICUS

Non aries illum verno ferit aere cornu,
Cnosia nec geminos praecedunt cornua tauri,
sicca Lycaonius resupinat plaustra Bootes.